



Служба престѣи бѣѣ,  
 предъ чудотворною ѣа икѣною почѣевскою пѣвѣемаѣ.

Сборник для мужского хора  
 Редакція и составленне Г.Смирнова  
 Храм Воздвиженна Честнаго Креста в Алтѣфьво.

**НА ВЕЛИЦЕЙ ВЕЧЕРНИ,  
НА ГОСПОДИ, ВОЗЗВАХ: СТАВИМ СТИХОВ 8**

**и поём стихиры, глас 5:**

**Приидите, россиястии собóри,/ и от всех язык, вернии,  
соберитесь,/ на гóру Почаевскую взыдем и в дом Матере  
Бóжия,/ и ўзрим место стопы́ Ея,/ идеже во огненнем  
столпе древле яв́ися,/ и от исто́чника, оттуду истéкшаго,/  
вéрою окропление при́имем,/ и чудотворней иконе Ея по-  
клонíмся,/ прощéния прегрешений наших просяще, // и  
душам нашим велия мíлости. [Дважды.]**

**Ко Твоему́ заступлению притекаем, Пречíстая,/ и чудеса,  
во обители Почаевстей от Тебе бывшая, воспева́ем:/ ис-  
целéния бо zde слепии и хромии радостно приима́ху,/ бес-  
нii свободяхуся, и мертвии воскресóша,/ и несть тако-  
ваго жестокаго сéрдца,/ éже зрением святыни Твоея не  
умилíтся./ Но утверди́, Всепéтая,/ благое изволение мо-  
лящихся Тебé // и подаждь душам нашим véлию мíлость.**

**Ра́дуйся, Благодатная Богорóдице,/ Твое стадо от небес  
назира́ющи,/ от Ангел убо пение приéмлющи,/ от нас же  
изливаемая умиленные слезы вíдящи/ и молитвенная  
воздыхания душ наших слы́шащи:/ сия́ бо паче витийства  
словéснаго/ на милосéрдие Тебе преклоня́ют, // во еже по-  
дати душам нашим véлию мíлость.**

**Ины стихиры, глас 2:**

**Твою́ икону целующе, Влады́чице,/ и следу стопы Твоея  
покланя́ющися,/ и заступлéния Твоя́ многая поминáюще,/  
достойных словес о прославлении Тебе не обрета́ем,/ но,  
благоговéйныя слéзы Тебе в молчании приносяще,/ аки на  
небеси, себе мним, Твоей славе предстоя́щая; // спаси Тебе  
велича́ющия. [Дважды.]**

**На горé Фавóрстей Петр со други Господне Преображе-  
ние вíдев/ и лепотою славы Его усладя́ся,/ тако во-  
пия́ше Ему́:/ Гóсподи, добро есть нам zde бы́ти./ Сицевый  
же глаго́л рцém,/ брáтие, на гору явления Матере Божия  
собрáвшися,/ и преображение сла́вы Ея, zde бывшее, по-**

мышляюще,/ и во умилении вопиюще к Ней:// спаси Тебе величающия.

**На скале пустынной первее явилася еси, Владычице,/ светом огня просвещение верных zde прообразующи/ и купину неопалимую на память людям приводящи;/ потомже с небес видение Твоего заступления/ иноком почаевским явила еси,/ яко покров Твой, Андреем древле виденный./ Нас же, молящихся, светом озари духовным// и спаси Тебе величающия.**

**Слава, и ныне, глас тойже:**

**Непроходимая врата, тайно запечатствованная,/ благословенная Богородице Дево,/ прими моления наша/ и принеси Твоему Сыну и Богу,// да спасет Тобою души наша.**

**Вход с кадилом. Прокимен дне. Таже чтения праздника три.**

**Бытия чтение. [Глава 28.]**

Изыде Иаков от студенца клятвеннаго и иде в Харрань. И обрете место, и спя тамо, зайде бо солнце; и взят от камня места того, и положи возглавие себе, и спя на месте оном. И сон виде: и се лестница утверждена на земли, еяже глава дозязаше до небес, и Ангели Божии восходяху и низходяху по ней. Господь же утверждася на ней, и рече: Аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семья твоя, яко песок земный, и распространится на море, и ливу, и север, и на востоки, и возблагословятся о тебе вся колена земная и о семени твоём. И се Аз с тобою, сохраняяй тя на всяком пути, а може аще пойдеш, и возвращу тя в землю сию, яко не имам тебе оставити, дондеже сотворити Ми вся, елика глаголах тебе. И воста Иаков от сна своего, и рече: яко есть Господь на месте сем, аз же не ведах. И убойся, и рече: яко страшно место сие, несть сие, но дом Божий, и сия врата небесная.

**Исхода чтение. [Глава 3.]**

Вниде Моисей в гору Божию Хорив. Яви же ся ему Ангел Господень в пламени огненне из купины. И виде, яко купина горяше огнем, и купина не стараше. Рече же Моисей: прешед, узрю видение великое сие, что яко не старает купина? Якоже виде Господь, яко приступает видети, призвал его Господь из купины, глаголя: Моисее, Моисее. Он же рече: что есть? И рече: не приближися семо; изуй сапог от ног твоёю: место бо, на немже ты стоиши, земля святая есть. И рече ему: Аз есмь Бог отца твоего, Бог Авраамов, и Бог Исааков, и Бог Иаковль. Отврати же Моисей лице свое: стыдяше бо ся зрети пред Богом. Рече же Господь к Моисею: видя, видех озлобление людей Моих, иже во Египте, и вопль их услышах от насильствующих в делех, вем бо болезнь их, и снидох, еже изъяти их от руки египтян, и извести их от земли оныя, и ввести их в землю благу и многу, в землю, точащу мед и млеко.

**Пророчества Иезекиилева чтение. [Главы 43 и 44.]**

Тако глаголет Господь: будет от дне осмаго и прочее, сотворят иереи на олтари всеожжения вашего и яже спасения вашего, и приму вы, глаголет Адонай Господь. И

обрати́ мя на пу́ть вратъ святы́х внѣшних, зря́щих на восто́ки, и сия́ бѣху затворѣна. И рече́ Господь ко мнѣ: врата́ сия́ затворѣна́ бѣдут, и не отвѣрзутся, и никто́же про́йдетъ сквозѣ́ их, яко́ Господь Богъ Изра́илевъ про́йдетъ ими, и бѣдут затворѣна. Яко́ игу́менъ сядетъ в нихъ снѣсти хлѣбъ: по пу́ти ела́мскихъ вратъ вни́дет, и по пу́ти его́ изы́дет. И введе́ мя по пу́ти вратъ святы́х, су́щихъ къ се́веру, прѣ́мо хра́му, и ви́дех, и се́ испо́лнь сла́вы хра́мъ Господень.

### НА ЛИТИИ СТИХИРЫ, ГЛАС 6:

**Стру́и исцелѣ́ний всегда́ источа́еши, Де́во, ве́рным, притека́ющимъ къ цельбоно́сней стопѣ́ Твое́й, Богоневѣ́сто! Ту́не бо излива́еши от не́я обильно́ и богато́ недугующимъ исцелѣ́ния: слепы́я явля́еши видя́ща я́сно, притека́ющия къ Тебе́ хромы́я мно́гия испра́вила еси́ и осла́бленныя стягну́ла еси́, подаю́щи всѣ́м, я́же ко спасѣ́нию, прошѣ́ния и душамъ на́шимъ ве́лию ми́лость.**

**Прииди́те, празднoлю́бцы, чу́дное явлѣ́ние ико́ны Божия́ Ма́тере, е́же на горѣ́ Поча́евстей, просла́вим: пресла́вно бо и боголе́пно во оби́тели Поча́евстей возсия́, неисто́щиму́ю чудесъ́ благода́ть всѣ́м излива́ющи. Те́м усты́ и се́рдцы, и пѣ́снями, и пѣ́нии духо́вными се́й святы́й де́нь со все́ми, на го́ру Поча́евскую́ притека́ющими, прѣ́зднуемъ свѣ́тло.**

### Сла́ва, и ны́не, гласъ́ то́йже:

**Воспо́йте, росси́йстии наро́ди, Цари́це Божией́ Ма́тери пѣ́снь но́ву, соде́явшей чу́до, новѣ́йшее́ все́х дре́внихъ чудесъ́, на горѣ́ Поча́евстей: си́льныя бо сокруши́, стрѣ́лы ага́рянскія, на ню́ от тата́р направля́емыя, на главу́ ихъ вспя́ть обра́щающи, немощны́я же препоя́са си́лою свѣ́ше, и вознесе́ смире́нныя. То́й победите́льная возсыла́емъ и, припа́дающе, вопие́м: Засту́пнице́ на́ша усѣ́рдная, Ма́ти Го́спода Вы́шняго, сла́ва Тебе́!**

### НА СТИХОВНЕ СТИХИРЫ, ГЛАС 3:

**Кто́ возглаго́летъ си́лы Твоя́, Богоро́дице, цельбоно́сный Поча́евский исто́чнице? Неисто́щимы́ми бо дарова́нии изоби́люющи, мно́гая и па́че естества́ содева́еши исцелѣ́ния, не то́кмо телѣ́сныя болѣ́зни врачую́щи, но и душе́вныя стра́сти на́ша измыва́ющи, и всѣ́м пода́еши ве́лию ми́лость.**

**Сти́х: Слы́ши, Дщи́, и ви́ждь, и приклони́ у́хо Твое́.**

**Т**воими чудесы, Богородице, невернии умилившись, Православную веру исповедаху, и еретицы от ереси отрекошася и ко стаду церковному сопричтошася, беснии от мучительства демонов свобождяхуся, и жестокая сердца смиришася. Убо и души наша покаянием просвети, подаючи нам велию милость.

**Стих:** Лицу Твоему помолятся богати людстии.

**П**о избавлении от неверных Твоея лавры, Владычице, икону Твою православнии людие радостно прияша, якоже древле Животворящий Крест Сына Твоего от пленения персского; темже исцеления, от нея бываемая, такожде умножишася, ихже не лишй и нас, молящих Ти ся, подаючи душам нашим мир и велию милость.

**Слава, и ныне, глас 8:**

**С**едяй на херувимех и Певаемый от серафим из утробы Девы благоволи родитися, и Сию, яко Матерь Божию, в молитву призывати нас научи, पहले в Кане Галилейстей Тоя моления о людех приемый и донине молитв Ея ради прошения наша исполняй. Приидите убо, христоименитии людие, на место чудес Пресвятыя Богородицы и, моления ваша пред иконою Ея изливающе, несомненною верою утвердитесь, еже прияти нам от Нея велию милость.

**НА БЛАГОСЛОВЕНИИ ХЛЕБОВ**

**Тропарь, глас 5:**

**П**ред святою Твоею иконою, Владычице, / молящися исцелений сподобляются, / веры истинныя познание приемлют / и агарянская нашествия отражают. / Темже и нам, к Тебе припадающим, / грехов оставление испроси, / помыслы благочестия сердца наша просвети / и к Сыну Твоему молитву вознеси // о спасении душ наших. **Трижды.**

## НА УТРЕНИ,

### На Бѡгъ Господь: тропарь праздника, трижды.

По 1-м стихословии седален, глас 4:

Богородица христіаномъ всегда бѣсть милостивая Услышательница, отъ конецъ земли къ Нейъ возносящимъ молитвенныя гласы, Почаевскую же гору яко мѣсто явленій Своихъ избра, и сего ради здѣ бѣти поспѣшаютъ христіане, ихже молѣнія не отврати, Владычице, но и праведнымъ, и грѣшнымъ буди Ходатаица.

Слава, и ныне, тойже.

По 2-м стихословии седален, глас 7:

Отверзи врата твоя, святая лавро Почаевская, и прими приходящія безчисленныя народы, святую икону Владычицы облобызати умиленно тщашися и вкупе со братіею монашествующихъ усердная молѣнія возносящія ко Христу Бѡгу, да молитвами Приснодѣвы, Матере Своея, милостивъ будетъ рабѡмъ Своимъ.

Слава, и ныне, тойже.

### Величание:

Величаемъ Тя, / Пресвятая Дѣво, / и почитаемъ честную икону Твою, / юже отъ лѣтъ древнихъ на горѣ Почаевстей // прославила еси.

### Псаломъ избранный:

Помяни, Господи, Давида и всю кротость его. / Яко клятсѣ Господеви, обещахся Богу Иаковлю. / Се слышахомъ я во Евфрафе, обретохомъ я въ поляхъ дубравы. / Преславная глаголашася о Тебѣ, граде Божий. / Богъ посреде его, и не подвижится. / Клятсѣ Господь Давиду истинною и не отвержется ея. / Отъ плода чрева Твоего посажду на престолѣ Твоемъ. / Яко избра Господь Сиона, изволи его въ жилище Себе. / Освятилъ есть селѣние Свое Вышний. / Святыня и велелепота во святилѣ Его. / Святъ храмъ Твой, дивенъ въ правдѣ. / Дому твоему подобаетъ святыня, Господи, въ долготу днй. / Помяну имя Твое во всякомъ родѣ и родѣ. / Благословенъ Господь во векъ и въ векъ века.

Слава и ныне: Аллилуия, аллилуия, аллилуия, слава Тебѣ, Боже. Трижды.

По полиелѣи седален, глас 6:

Днѣсь о всѣхъ чудесѣхъ Твоихъ, Владычице, на горѣ Почаевстей бывшихъ, благодаренія Ти Церковь приносит. Темже сошедшияся люди Твоя отъ небесъ благослови, разумъ нашъ уцеломудри, и житіе наше исправити помози, и о спасеніи душъ нашихъ молѣние къ Бѡгу вознеси, молимъ Ти ся.

Слава, и ныне, тойже.

**Та́же степéнна, 1-й антифóн 4-го глása. Прокíмен, глác 4:**  
**Помяну́ и́мя Твое́ во вся́ком ро́де и ро́де. Сти́х: Слы́ши,**  
**Дщи́, и ви́ждь, и приклони́ у́хо Твое́. Вся́кое дыха́ние да**  
**хва́лит Го́спода. Ева́нгелие от Луки́, зача́ло 4.**

**По 50-м псалме́ стихи́ра, глác 5:**

**Приидите, россия́стии собóри, и от все́х язы́к, ве́рнии, со-**  
**бери́тесь, на го́ру Поча́евскую взы́дем и в до́м Ма́тере**  
**Бо́жия, и у́зрим ме́сто стопы́ Ея́, иде́же во о́гненном стол-**  
**пе дрéвле яви́ся, и от исто́чника, оттúду истéкшего, ве́рою**  
**окроплéние при́емем, и чудотво́рней ико́не Ея́ покло-**  
**ни́мся, прощéния прегрешéний на́ших прося́ще и душáм**  
**на́шим ве́лия ми́лости.**

**Канóн, [его́же краегранéсие: Богороди́це Поча́евская,**  
**спаси́ и сохрани́ правосла́вную Рúсь,] глác 8.**

**Пéснь 1.**

**Ирмо́с: Пои́м Го́сподеви, / проведшему люди́ Своя́ сквозе́**  
**Чермное мо́ре, // яко́ Един сла́вно просла́вился.**

**Бо́жию Ма́терь воспойм, ве́рнии, молéния к Не́й принося́ще и чудотво́рному Ея́ о́бразу покланя́ющесе́**  
**ве́рою и любóвию.**

**О, Влады́чице, убо́гия хвалы́ наша́ не отвéржи и грехóвныя нищеты́ не возгнуша́йся, но припада́ющия**  
**люди́ приими́, яко́ Благо́я, Благо́го же Родите́льница.**

**Гора́ Поча́евская, прéжде те́мная и безвéстная, явлéнием Твои́м, Влады́чице, Сина́ю уподо́бися: та́мо**  
**бо о́гнь, купину́ не паля́й, Тебе́ прообразова́ше, зде́ же Сама́, во о́гни зрима́я, христиáном явила́ся еси́.**

**Очи ва́ши блаже́ни, о па́стырие о́вчи, Влады́чицу на горе́ Поча́евстей узрэвши и те́м ча́сти виф-**  
**леéмских па́стырей сподо́бльшиися. Те́мже у́бо блаже́ни су́ть христиáне, сего́ не ви́девши, но ве́рою**  
**ме́сту то́му покланя́ющияся.**

**Рóди россия́стии и от вся́каго язы́ка ве́рнии, соше́дшесе́ к ме́сту явлéния Влады́чицы, чудотво́рному**  
**Ея́ о́бразу поклони́мся и о свои́х согрешéниях воспла́чем, о милосéрдии же Господни́ возра́дуемсе́.**

**Огненный сто́лп, Влады́чице, Тебе́ и́ноком и па́стырем явля́ше, на́м же о́гнь ре́вности вложи́ в ду́шу,**  
**е́же ве́ру и́стинную хранити́, от вся́каго же глаго́ла ерети́ческаго отвращáтися и грехóвную отрeváти**  
**прéлесть от серде́ц на́ших.**

**Катава́сия: Отве́рзу уста́ моя́...**

**Пéснь 3.**

**Ирмо́с: Ты еси́ утвержде́ние / притека́ющих к Тебе́,**  
**Го́споди, / Ты еси́ Све́т омраче́нных, // и поёт Тя ду́х мо́й.**

**Да́р священны́й, страннопри́имства мзду́, при́ят христоро́бивая Анна́ ико́ну Твою́, Влады́чице, руко́ю**  
**святы́теля, от нея́же исцелéние бра́ту своему́ сле́пу ро́ждéну ви́девши, сию́ во оби́тель Поча́евскую на**  
**о́бщую по́льзу да́рствует.**

**Ико́ну Поча́евскую Пречи́стыя Богороди́цы лобыза́им, ве́рнии, и, пока́яние о гресéх на́ших принéсше,**  
**здравия́, и от ну́жд избавлéния, и во все́х благо́их начинáниях по́мощи от Влады́чицы воспро́сим.**

**Цве́т прекра́сный на дрéве благосенноли́ственнем яви́ся чудотво́рная ико́на Богороди́цы на святе́й го-**

ре Почаевстей: просите, вернии, и дастся вам, по глаголу Христову, милосердия дар, житию вашему нужный.

Еже временно житию нужно бывает, о братие, в мале полезно есть, и сия дарствует нам Господь, по молитве Матере Своей. Обаче терпящая паче сих блажит и вечную радостью на небеси награждает, юже нам даровати, Владычице, помолися.

Почаевская церковь, чудотворный след стопы Твоей, Богородице, покрывающая и икону Твою хранящая, аки небесный вход верным является, в нейже молящимся помози, о Владычице, земная попечения отложить, и единого, еже на потребу, желати, и в молитве тепле просити.

Оле безумия иконоборцев, иже икону Твою, Владычице, от Почаевския обители пленяша и, поруганию предающе, кару Божию абие на ся наведоша, беснованием же обличене бывшей жене, ужасом многим содержахуся.

**Седален, глас 6:**

Река, обильно текущая, покою не навиче, ниже престати от течения водного возмозет, тако и моления Твоя, Владычице, о людех присно возносима, не престають, но праведныя от падений хранят, падшия же на покаяние возоставляют. Нам же, Твоему образу поклоняющимся, сугубую умиления благодать даруют и вопити Тебе со архангелом и Елисаветою воздвизают: благословена Ты еси в женах, и Твоего чрева Плод благословен есть.

## Песнь 4.

**Ирмос: Услышах, Господи, / смотрения Твоего таинство, / разумех дела Твоя // и прославих Твое Божество.**

Часу и дни пришедшу возвращения иконы Твоей во обитель Почаевскую от иконоборцев, сию пленивших, возрадовался преподобный Иов со братиею, тую лобызаяще; ныне же на всяк день и час входящие во обитель Твою христиане туже радость и веру пред нею свидетельствуют.

Аз, грешный, леностию поработен, о Владычице, благаго Бога присно грехи своими прогневаю, ниже очи свои возвести к Нему дерзаю, но ко Твоему припадаю чудотворному образу, пред нимже кающиеся прощение от Тебе прияша, и вопию: Господа, Сына Твоего, умиловити и мне предстательством Твоим.

Еда обрящется толико окамененный сердцем и безумен муж, иже не умилится, в церкви Почаевстей предстой и святыням Твоим, Владычице, поклоняйся, чудеса же, от них бывшая, помышляя и верою молящаяся видя народы?

Видени быша мнози, исцеленни пред иконою Твоею, Владычице, слепии и хромии, слышани быша глушии и немии, возглавовавши: тамо беснии, воды от стопы Твоей пьюще, от бесов свободяхуся. Темже и мою прими молитву, еже от бесовских страстей свободитися и свет спасения Христова выну созерцати.

Сый во узилищи земли турския пленен, инок Твоею силою, Владычице, на воздухе в гору Почаевскую принесся, убо и мене, во узах страстей суща, ныне, в день славы Твоей, от тех свободи и лику верою и любовью поющих Тя сопричти.

Ко Твоему чудотворному образу притек, Владычице, и водою от следа стопы Твоей омывся, сляченый недугом юноша абие исцелен, слепая же отроковица, zde принесенная, прозрела, и предумырый младенец воскрес, убо и мене, припадающая, от смертоносного уныния воздвигни и душевные мои отвези очи.

## Песнь 5.

**Ирмос: Утренююще, вопием Ти: / Господи, спаси ны, / Ты бо еси Бог наш, // разве Тебе, иного не вемы.**

Аще и всех грешнейший есмь от тем людей, ко Твоей, Владычице, иконе припадающих, аще и вси верою своею мя превзидоша, обаче и мене, окайного, не отрини от Твоего заступления, милостей бездну людем во обители Твоей явившая.

Якоже ко всем призывающим Тя милостива являеши, издавеча иконе Твоей мысленно поклоняющиеся слышиши, и тако отрочица некоего, по молитве прабабы его, воскресила еси, и ныне, о Владычице, ко всем, от конец земли Тебе молящимся, благоуветлива буди.

Се, Владычице, людей многая множества, на святую гору Твою притекающе, милости Твоей получитьи ищут, вернии вкупе с маловерными, праведнии и грешнии, с нимиже и Церкви святей чуждии приметаются, всех убо помилуй, всем свет истинныя веры яви во спасение.



Почто аз, грешный, Пречистой Богоматери поклоняясь и исправить житие своё обещаая, паки на прежняя прегрешения обращаюсь? Увы мне! еда злейший есмь неверных агарян, иже на горе Почаевстей покаяние принёсше, добри христиане содеяшася?

Аще и люти быша агаряне турстии, святую обитель Твою, Владычице, осаждающе, аще и стрелы в Тя, на небеси явльшуюся, пушати дерзнуша, но сим на главы их возвращающимся, сердцем сокрушенным покаяшася и силу Твою исповедаша.

Со Иовом преподобным на небесех Тебе зряще, Владычице, агаряном смятённым и бежащим, иноцы Почаевстии песнь воспеша Ти достойную, со угодником Тебе благодаряще тепле.

## Песнь 6.

**Ирмос:** Ризу мне подаждь светлу, / одеяйся светом, яко ризую, // Многомилостиве Христе Боже наш.

Иже от агарян Тя, Владычице, на небесех узреша, друг друга вопрошаху: что есть видение сие ужасное? И ови, смятени бывше, друг друга убиваху, ови же, веру в сердце своё приёмше, крещения требоваху, по сих же иноцы быша чрез всё житие, силу Твою воспевающе.

Иноки и мирския люди, Твоему заступлению верующия, Владычице, обогати духовными дарованиями, маловерныя же просвети и озари, якоже тогда неведевшия Христа агаряны в познание Его привела еси.

Сохраниша память Твоего заступления, Владычице, агаряне, в землю турскую возвращешся, и чадом своим о явлении Твоем память предаша. Кольми паче нам, христианом, чудеса Твоя, на горе Почаевстей бывшая, памятовати подобает?

Образу Твоему мысленно припадая, во глубокий кладязь впадый муж от несумнённыя смерти спасёся и, невердимь из глубины подъят быв, Твое проповедаше милосердие.

Хотел бых и аз, Владычице, вере спасённых Тобою людей подражати, хотел бых и аз Твое заступление в житии моём улучшить, но за множество прегрешений моих оскудевает моя вера. Сию убо укрепь во мне, Владычице, вопиющем: верую, помози моему неверию.

Ров прельщений латинских чрез сто и десять лет поглотит обитель Почаевскую, но Твоим, Богородице, заступлением паки та я к высоте Православия изымлетя и лавра именуется. Сию убо в Православней вере непоколебиму соблюди даже до часа втораго пришествия Сына Твоего и Бога.

## Кондак, глас 1:

Источник исцелений и веры Православныя утверждение / Почаевская Твоя икона, Богородице, явися, / темже и нас, к ней притекающих, / от бед и искушений свободи, / лавру Твою невредиму сохрани, / Православие во окрест стоящих странах утверди / и грехи разреши молитвенник Твоих: // елика бо хочещи, можещи.

### Икос:

Востаните от гроб ваших, иноцы Почаевстии, и рците нам: коликих чудес Пресвятыя Богородицы бысте зрители и свидетели, како мертвии пред Той иконою воскресаху, како демони от мучимых людей отбегашу, како недужнии тамо исцеляхуся, како невернии вероваху, како хулители тамо каяхуся? Сия бо дивна бываху человеком и Ангелом. Мы же, вся сия бывшая и доднесь бываемая воспоминающе, со страхом и умилением ко святей иконе Пречистой Богоматере молитвенно припадаем и глаголем сие: О, милостей бездно и благодеяний сокровище, грехи разреши молитвенник Твоих: елика бо хочещи, можещи.

## Песнь 7.

**Ирмос:** От Иудеи дошедше отроцы, / в Вавилоне иногда / верую Троическою пламень пещный попраша, поюще: // отцев Боже, благословен еси.

**Акафистово пение** возношаху пред иконою Твоею, Пречистая, православнии людие, егда обитель Почаевская повелением царевым Церкви возвращена бысть, тем убо оставление грехов испроси, нам же, молящим Ти ся, на враги пособствуй.

**Николая Перваго, Самодержца, душу упокоити** молися, Владычице, вкупе же и всех, о возвращении лавры Твоей из еретического плена потрудившихся, нам же, к Тебе прибегающим, подаждь единомыслие и мир.

**И ныне державствующему царю нашему** милостива буди, Владычице, и о Церкви мирная глаголи сердцу его, покаяющи под нозе его противоборствующиея враги и супостаты.

**Пред Твоею иконою, Богородице, православным христианом** возвращенною, паки исцеления приимати вернии навикоса: не у истекшу бо единому лету от того дне, уже четырьми чудесы Церкви Христову прославила еси во утешение людем.

**Рая небснаго сподоби ны, Владычице, святую лавру Твою** аки земный рай почитающия и Твой милости теплою верою воспевающия.

**Авраам Господень день** издалеча виде, и радовася, и чаянием того дне живяше; узревши же издалеча Твою Почаевскую церковь некая хромая жена и упованием Твоей помощи исполнившись, абие исцелё и, аки елень, воспрянувши, ко обители Твоей поспешаше.

## Песнь 8.

**Ирмос: Царя Небснаго, / Егоже поют вои Ангельстии, // хвалите и превозносите во вся веки.**

**Во град Киев** от предел Уральских пришедшей женё бесней явися Богородица со предобным Иовом, и на гору Почаевскую тую призываше, идеже здравие ей подавши, славити научи Своё заступление.

**Омыв очеса своя** в купели Силоамстей, приимлет слепорожденный зрение Христовым велением; омывшись же от воды стопныя в церкви Почаевстей, исцелё слепая отроковица. Убо и наше страстное ослепление исцели, Владычице, водою от следа стопы Твоей с верою кропящихся.

**Сию отроковицу исцелену узревши, прабаба ея** абие прельщения унитскаго отрицается и Православную исповедует веру, в нейже утверди и ны, рабы Твоя, о Владычице.

**Людие Божии, на гору Твою, Владычице, притекающи, обеты** подвиг благочестивых тамо приносят, яже дела исполнити помози им, Богородице.

**Ангели на небеси Твою славу** непрестанно воспевают, Богородице, на земли же человецы ко Твоему заступлению притекати не престають, ихже воздыхания не отрини, яко Благая, паче же на месте явления Твоего тех моления услыши.

**Велия Твоего заступления сила, о Владычице, егоже ради Сын Твой и Бог наш** грешным прощение дарует, подвизающимся же крепость и унывающим утешение.

## Песнь 9.

**Ирмос: Воистинну Богородицу, / Тя исповедуем, / спасеннии Тобою, Дево Чистая, // с безплотными лики Тя величающе.**

**Не точию един по единому** подвизаются христиане на гору Почаевскую, но и от сугубо священнаго града Киева совокупльшеся вернии, помощь от сея чудотворныя иконы в годину бывшего губительства исповедаша и, подобие ея написавше, во святую лавру сие принесоса.

**Убо и во грядущая лета** спасай нас, Владычице, от губительства и междоусобных брани, от глада же и огненнаго запаления, зане оскудевшей крепости душ наших, уныния исполняемся в бедах, неразумливи суще.

**Южский предел земли** российскийя Почаевскую икону Владычицы и святую лавру Ея, яко диадиму царствия хранит, и сими хвалится; обаче же и северский, во граде Тобольском, чудотворное подобие тойже Почаевския иконы молитвою иноков себе испроси.

Русскую зѣмлю, о Владычице, яко безпредѣльное горы Твоея подножье, от бѣд и искушений свободи и во благочестии тую сохрани до скончания вѣка.

Уже нестыдно поднявшимся хульным гласом посреде христианскаго жительства, не остави, Богородице, раб Твоих в тех прельщениях впасти, но веру несумненно возгревай в сердцах наших выну.

Се время заступления Пресвятыя Богородицы прииде, умножившимся соблазном, се время наших к Ней воздыханий. О, братие! Рцем убо от всего сердца нашего: Владычице, Владычице! помози людем Твоим.

**Ексапостиларий. Подобен: Чертог Твой вижду.**

Видение дивное: во огни Пресвятая Дева, чудеса же неисчислима от иконы Почаевския нам известишася. Воспринем убо, о людие, от греховнаго сна, исправления житию нашему со слезами да просим, и Матери Божией с верою днесь поклонимся.

## **НА ХВАЛИТЕХ СТИХИРЫ НА 4, ГЛАС 4:**

**Воспоим, людие,/ Пресвятую Деву Чистую,/ на горѣ Почаевстей древле пастырем явльшуюся,/ ныне же всю страну нашу оттуду благодѣющую:/ весть бо Владычица прошения наша во благое исполняти,/ и сердца наша умилением растворяти,// и рабы Своя от бѣд и зол сохраняти.**

**[Дважды.]**

**Не возгнушайся нас, грешных, Милосердая Мати,/ маловерия ради нашего от нас не отврати́ся,/ но паче веру нашу благодатною помощию Твоею умножи// и жертву хвалы приносить Тебе рабы Твоя научи́.**

**Слепыя, и хромыя, и сличенныя, ко Твоей святѣй иконѣ припадающия, всемо́щным дѣйством Твоего предстательства исцелила еси́, Богородице: бѣсы, людей мучащия, отгна́ла еси́, Православную веру агаряном и еретиком открыла еси́. Убо и наших молений не отри́ни, Пренепоро́чная, но яже ко спасению прошения наша исполни.**

## **Слава, и ныне, глас 8:**

**О Твоих знамениях, Богородице Владычице,/ славится гора Почаевская,/ и всяк язык христианский/ силу Твою исповѣдует,/ ихже ради невернии правоверни содеяшася,/ грешнии в покаяние приидоша,/ ленивии к духовному деланию устремшася./ Имже и нас подражати, Благая, научи́,/ Тебе тепле благодарити устрой нас/ и воздвигни выну воспевати славу Сына Твоего,// Единого от Святыя Троицы славимаго Бога нашего.**

**Славословие великое, ектении и отпуст.**

## НА ЛИТУРГИИ,<sup>1</sup>

**Блаженна, песнь 3-я и 6-я, на 8.**

**Тропарь, глас 5:**

**Пред святою Твоею иконою, Владычице, / молящихся исцелений сподобляются, / веры истинныя познание прие́млют / и ага́рянская нашествия отража́ют. / Темже и нам, к Тебе припа́дающим, / грехо́в оставле́ние испроси́, / по́мыслы благочестия сердца на́ша просвети́ / и к Сыну Твоему моли́тву вознеси́ // о спасе́нии душ на́ших.**

**Кондак, глас 1:**

**Исто́чник исцелений и веры Православныя утвержде́ние / Почаевская Твоя икона, Богородице, яви́ся, / те́мже и нас, к ней притека́ющих, / от бед и искуше́ний свободи́, / ла́вру Твою невредиму́ сохрани́, / Православие во окрест стоящих страна́х утверди́ / и грехи́ разреши моли́твенник Твои́х: // елика бо хо́щеша, мо́жеша.**

**Прокі́мен, глас 3, пёснь Богоро́дицы: Вели́чит душа́ Моя́ Го́спода, и возра́довася ду́х Мой о Бо́же, Спа́се Моём. Сти́х: Я́ко призре́ на смире́ние рабы́ Своея́, [се́ бо отны́не ублажа́т Мя́ вси́ ро́ди].**

**Апо́стол ко Евре́ем, зача́ло 320. Аллилу́ия, глас 2: Воскресни́, Го́споди, в поко́й Тво́й, Ты́ и киво́т святы́ни Твоея́. Сти́х: Кля́тсся Го́сподь Дави́ду и́стиною и не отве́ржется ея́. Ева́нгелие от Луки́, зача́ло 54.**

**Прича́стен: Ча́шу спасе́ния прииму́ и и́мя Го́сподне призову́.**

**Велича́ние:**

**Велича́ем Тя́, / Пресвята́я Де́во, / и почита́ем честную ико́ну Твою́, / ю́же от лет древних на горе́ Поча́евстей // просла́вила еси́.**

---

<sup>1</sup> Зри́: Службу́ сию́ поём Иу́лия в 23-й де́нь, егда́ бысть видёние Ма́тере Бо́жия над це́рковию Поча́евскою и ага́ряном пораже́ние в ле́то 1675. Быва́ет же покло́нение чудотворному́ о́бразу Поча́евскому в пра́здник Рожде́ства Пресвяты́я Богоро́дицы и покло́нение сле́ду стопы́ Ея́ в пято́к Све́тлыя седми́цы. Оба́че в сия́ дни́ твори́м службу́ по мине́и пра́здничней и по трио́ди.

# Тропарь Почаевской иконе Божией Матери

## Напева Почаевской Лавры

Т.1  
Т.П

Бар.  
Б.

Пред свя-то-ю Тво-е - ю и-ко-но-ю, Вла-ды-чи-це, мо-ля -

щи-и-ся ис-це-ле - ний спо-доб-ля - ют-ся, ве-ры ис-тин-ны-я

по-зна - ни-е при-ем - лют и а-га-рян-ска-я на-шест-ви-я от-ра -

жа - ют. Тем - же и нам, к Те-бе при-па-да-ю-щим,

гре-хов ос-тав-ле-ни-е ис-про-си, по - мы-слы бла-го-чес -

ти - я серд-ца на-ша про-све-ти, и к Сы-ну Тво-е - му

сдерживая

мо-лит-ву воз-не-си о спа-се - ни-и душ на - ших.

# Непроходимая Врата

*Напева Свято-Успенской Почаевской Лавры*

*ppp*

Не - про - хо - ди - ма - я Вра - та, тай - но За - пе -

чат - ство - ван - на - я, Бла - го - сло - вен - на - я Бо - го -

ро - ди - це Де - во, при - и - ми мо - ле - ни - я на - ша

и при - не - си Тво - е - му Сы - ну и Бо - гу,

да спа - сет То - бо - ю ду - ши на - ша.